



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

3. De Clericis conjugatis

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

tionem distantis sunt tantum comminatoria 3.
 Nec jure hodierno Sacerdotem concubinarium
 fideles tenentur vitare in Missis, aut aliis officiis di-
 vinis; quia per Extrav. Conc. Constantiens. *Ad*
evitanda. vitandi solum sunt excommunicati no-
 minati, ac publice denuntiati, vel notorii per-
 cussores Clericorum. vide tamen Pich. *L. 5. de*
sent. excomm. n. 33. ubi probabiliter contrarium
 asserit. 4. Licet modo predicto Clerici compelli
 possint ad dimittendas concubinas, aliasque
 personas suspectas, non tamen ad juramentum de
 eis amplius non recipiendis sunt cogendi. *c. 3. h. t.*
 Ratio, quia juramentum est remedium subsidiari-
 um, quod adhiberi non solet, nisi aliis remediis
 deficientibus, talia autem non deficiunt, cum
 suspensione, excommunicatione, depositione ad
 has deferendas compelli possint. *Demum de jure*
communi foeminae contra decorem Ordinis Cleri-
 calis cum Clerico delinquentes subjiciuntur judici
 Ecclesiastico; ob sacrilegium scil. quod ipsae cum
 Clerico peccando committunt; in praxi autem
 id non observatur.

TITULUS III.

De Clericis conjugatis.

Q 1. *An, qui & quo jure Clerici prohibeantur
 inire matrimonium? Resp. 1.* Clerici in mi-
 noribus tantum constituti, etiamsi fuerint bene-
 ficiati, licite & valide matrimonium contrahunt.

can.

can. 3. & 13. dist. 32. can. 8. §. si verò caus. 12. q. 1. c. 1. h. t. Si tales Clerici fuerint voto castitatis simplici obstricti, *valide* saltem matrimonium inire possunt, nisi votum illud castitatis veros constituat Religiosos, quo casu nec validum erit matrimonium stante voto contractum.

Resp. 2. Clerici in aliquo Sacro Ordine constituti nec *valide* nec *licite* matrimonium contrahunt. *c. 1. h. t. c. 2. qui Cler. vel. vov. Trid. Sess. 24. can. 9.* Extenditur etiam hæc lex ad Clericos Ecclesiæ Græcæ, in qua nunquam licuit matrimonium contrahere post susceptos S. Ordines. *can. 7. dist. 32. junct. Gloss. imò contractum juxta Barbo. c. 6. h. t. n. 2.* fuit irritum.

Resp. 3. Celibatus annexus est Ordinibus sacerdis non *ex præcepto naturali*, quia altaris ministerium non repugnat simpliciter usui conjugali, utpote per se honesto; neque *ex Lege positiva divina*, quia talis nec ex scriptura, nec traditione colligitur; sed *ex voto c. 6. h. t. c. un. de vot. in 6.* ad quod emittendum obligat Ecclesia suscipientes S. Ordines, etsi Ecclesia Græca, ut dicitur *c. 1. h. t.* præceptum hoc non admiserit. Potuisse Ecclesiam annectere S. Ordinibus obligationem, patet inde, quia hoc modo neminem *directè* cogit; plurimæque habuit causas id statuendi. Hodie votum hoc emittitur *tacite*, saltem à *sciencia* illud annexum, aut illud positivè malitiosè non excludendo. Vide Laym. *L. 5. Tr. 9. c. 11. n. 3.* ubi probat, nunquam fuisse in universali Ecclesia per-

permissum, uxoribus prius ductis uti post susceptum Presbyteratum.

Q. 2. *An & qualiter conjugatus promoveri possit ad S. Ordines?* Resp. 1. Clerici Græci, qui vel minoribus sunt initiati, vel ante Clericatum matrimonium contraxerunt cum unâ, eâque virgine, jam conjugati ad Ordines Sacros promoveri possunt, & uti matrimonio. *c. 6. h. t.*

Resp. 2. Clerici Latini conjugati non possunt licite promoveri ad S. Ordines, nisi qui conjugati cum unâ, eâque virgine, perpetuam continentiam voveat, obtento desuper consensu uxoris: uxor verò, si velit in sæculo manere, & ipsa castitatem voveat, sitque ejus ætatis, ut extra periculum incontinentiæ esse videatur; aliàs & ipsa Religionem debet ingredi. *c. 2. h. t. c. 5. de conv. conjug. Extrav. Antiqua. Joan. XXII. de vot.*

Q. 3. *An Clericus conjugatus possit promoveri ad beneficia?* Resp. Absque dispensatione S. Pontificis non potest, nisi sub conditionibus in Resp. 2. *preced. Q.* dictis, juxta *c. 2. & 8. h. t. & Extrav. Antiqua cit.* estque talis collatio ipso jure nulla. *Pith. h. n. 2.* Extenditur responsio, ut nec Clericus conjugatus obtinere possit absque simili dispensatione administrationem Ecclesiasticam vel pensionem. Ratio, quia Clericus conjugatus excepto privilegio canonis & fori juxta *c. un. h. t. in 6.* habetur ut laicus, laicus verò nec beneficii, nec administrationis aut pensionis Ecclesiasticæ capax est *c. 17. de rescript.* ergo.

Q. 4.

*Q. 4. An & qualiter Clericus contrahendo matrimonium beneficia præhabita amittat? Resp. 1. Clericus in majoribus constitutus, si attentet matrimonium, quod juxta dicta est invalidum, sic punitur. 1. fit irregularis. *can. 32. caus. 27. q. 1. c. 1.* & 2. qui Cler. vel vov. 2. tanquam excommunicatus est publicè denuntiandus. *Clem. un. de consang. & affin.* 3. compellendus est per censuram ad uxorem, quam nulliter duxit, dimittendam. *c. 1. h. t.* Non tamen incurrit privationem beneficiorum ipso jure, sed modò per sententiam judicis est privandus. *c. 1. h. t.* Unde & arg. quòd non amittat ipso jure privilegia Clericalia.*

*Resp. 2. Clericus beneficiatus minorista valde contrahens matrimonium, etiam ratum tantum, ipso facto & jure amittet beneficia, eaque vacant citra omnem sententiam judicis, ita ut statim ab eo momento alteri conferri possint. Probat ex. *c. 1. h. t.* quòd aliàs objici solet. Ratio, quia matrimonium est status impossibilis cum beneficio Ecclesiastico. *c. 3. & 5. h. t.* ergo Clericus assumens liberè talem statum censetur tacitè & ipso facto renuntiàsse beneficio. Utrum verò Clericus contrahens matrimonium ob impedimentum dirimens, vel alium effectum invalidum amittat pariter ipso jure beneficia præhabita, disputant AA. Vide *Leur. h. t. Q. 46. Schmalzgr.* tenet neg. eò quòd cesset hoc casu ratio, ob quam amissio beneficiorum inducta est &c.*

Q. 5. Clericus in minoribus constitutus contrahens matrimonium, an & quæ privilegia Clericalia amittat.

amittat? *Resp.* 1. Talis Clericus, si observet certas conditiones, de quibus statim, gaudet privilegio canonis & fori, sed hoc in causis solum criminalibus, sive dein intententur criminaliter; sive civiliter, arg. *c. un. h. t. in 6.* 2. Conditiones utroque hoc privilegio fruendi copulativè requisitæ sunt, ut Clericus ejusm. cum unâ eâque Virgine contraxerit. Deinde ut deferat tonsuram & vestes Clericales *c. un. h. t. in 6.* Demum ex *Constit. Trid. Sess. 23. c. 6. de ref.* ut Ecclesiæ alicujus servitio sit ab Episcopo deputatus, eique actu serviat. Aliis privilegiis Clericalibus, quale est privilegium competentæ ex *c. Odoardus. de solut.* privilegium immunitatis à tributis, collectis, vectigalibus &c. nullo modo gaudet, ut patet ex *tit. cap. un. h. t. in 6.*

TITULUS IV.

De Clericis non residentibus in Ecclesia vel Præbendâ.

Q. 1. *Quid & quotuplex sit residentia? Resp.*
 1. Est præsentia seu commoratio assidua in loco beneficii, causâ servitii Ecclesiastici personaliter præstandi. Præsentia ut *assidua* esse dicitur, non sufficit, per *intervalla* residere beneficiatum, sed requiritur, ut semper *moraliter* saltem, beneficiatus sit præsens. In *loco* beneficii Episcopus dicitur, si sit in Ecclesia Cathedrali, vel saltem in Diocesi: Canonicus, si Ecclesiæ
 suæ